



**DANIR** mæta til leiks á HM í Svíþjóð með afar sterkt lið en þjálfari liðsins, Ulrik Wilbek, reynir að draga úr væntingum heimamanna fyrir mótið. Hann segir að Danir stefni á að verða meðal sjö efstu í mótinu sem tryggja um leið þátttökurétt í undankeppni Ólympíuleikanna. Hann segir önnur lið líklegri til að komast í undanúrslit en segir sitt lið samt hafa viljann til að ná langt.



**ÓFLUG** Jaleesa Butler á ferðinni í gær. FRÉTTABLAÐIÐ/ANTON

## Iceland Express-deild kvenna: Hamar með fullt hús

**KÖRFUBOLTI** Jaleesa Butler hélt upp á það í kvöld að vera valin besti leikmaður fyrri hluta Iceland Express-deildar kvenna með því að klára KR í fyrsta leik ársins í kvennakörfunni. Hamar er því búi að vinna 12 leiki í röð í deildinni.

KR var ekki fjarri því að leggja Hamar fyrst allra en magnaður varnarleikur Butler sá til þess að siguranga Hamars heldur áfram. KR var stigi yfir þegar skammt var eftir en Hamarsstúlkur höfðu ekki sungið sitt síðasta í leiknum.

Guðbjörg Sverrisdóttir kom Hamri yfir, 55-56, með laglegu sniðskoti.

Í næstu sókn KR reyndi Hildur Sigurðardóttir skot en Butler gerði sér lítið fyrir og varði skot Hildar.

Hamar klúðraði í kjölfarið tveim vitaskotum. KR fór aftur í sókn og fékk annað tækifæri til að klára leikinn. Það gekk ekki því Butler fór aftur illa með Hildi. Í þetta skiptið stal hún boltanum af henni.

Hamar skoraði svo úr einu víti á lokaandartökum leiksins og tryggði sér sætan sigur. - hbg

# Nani afgreiddi Stoke City

Portúgalinn Nani sneri aftur í lið Man. Utd í gær eftir meiðsli með stæl þegar hann skoraði sigurmark United gegn Stoke City og lagði upp fyrra mark liðsins.

**FÓTBOLTI** Man. Utd náði þriggja stiga forskoti á toppi ensku úrvalsdeildarinnar í gær þegar liðið vann frekar fyrirhafnarlítinn sigur á Stoke, 2-1. Bæði mörk United í gær voru af dýrari gerðinni.

Það vantaði Wayne Rooney í lið United í gær en hann var frá vegna meiðsla. Rio Ferdinand og Edwin van der Sar voru hvíldir. Hjá Stoke fékk Tuncay Sanli langþráð tækifæri í byrjunarliðinu en Eður Smári Guðjohnsen var ekki einu sinni í hópnum að þessu sinni. Dagur hans hjá Stoke augljóslega taldur.


Javier Hernandez skoraði ótrúlega huggulegt mark með hnakknum gegn Stoke síðast er liðin mættust og hann hélt uppteknum hætti með glæsimörkin í gær. Hann kom þá United yfir í fyrri hálfleik með laglegri hælsþyrnu eftir sendingu Nani sem kom aftur inn í lið United eftir meiðsli.

Yfirburðir United voru nokkrir í fyrri hálfleik og Stoke virtist aldrei líklegt til þess að skora. Eins og svo oft áður í vetur gekk United samt illa að bæta við mörkum og staðan í leikhliði, 1-0.

Stoke kom vel stemmt til síðari hálfleiks og liðið var búið að jafna leikinn eftir aðeins fimm mínútna leik í síðari hálfleik. Tuncay átti þá laglega sendingu í teiginn sem Dean Whitehead framlengdi í markið. Smekklega gert en dekkningin hjá varnarmönnum United var langt frá því að vera til fyrirmyndar.

Leikmenn United létu markið ekki slá sig út af laginu og hófu mikla sókn að marki Stoke. Sú orrahríð bar árangur er hálf tími lífði leiks. Þá skiptust Nani og Hernandez á hlutverkum. Mexíkóinn gaf núna á Nani sem lét vaða fyrir utan teig og boltinn söng í horninu. Glæsilegt mark.

Stoke náði nákvæmlega ekkert að ógna marki United eftir þetta



**GLÆSIMARK** Javier Hernandez kemur hér United yfir með laglegri hælsþyrnu. Annað glæsismarkið sem hann skorar gegn Stoke í vetur. NORDIC PHOTOS/GETTY IMAGES

og toppliðið sigldi heim þremur góðum stigum.

Þá má geta þess að James Hurst, fyrrum leikmaður ÍBV, lék sinn fyrsta leik í ensku úrvalsdeildinni í gær en hann var í byrjunarliði WBA og lék allan leikinn í stórtapi gegn Fulham.

Sigurinn var afar mikilvægur

fyrir Mark Hughes, stjóra Fulham, enda er heitt undir honum og talað um fyrir leikinn að hann yrði að skila sigri í þessum leik til þess að halda starfinu.

Hann fékk því líflínu í kvöld og Fulham verður að halda þessu áfram á næstu vikum svo Hughes verði öruggur. henry@frettabladid.is

## ÚRSLIT

### Enska úrvalsdeildin:

Man. Utd-Stoke City	2-1
1-0 Javier Hernandez (27.), 1-1 Dean Whitehead (49.), 2-1 Nani (62.)	
Blackpool-Birmingham	1-2
0-1 Alexander Hleb (24.), 1-1 DJ Campbell (68.), 1-2 Scott Dann (89.)	
Fulham-WBA	3-0
1-0 Simon Davies (45.), 2-0 Clint Dempsey (56.), 3-0 Brede Hangeland (65.)	

### STAÐA EFSTU OG NÆSTU LIÐA:

Man. United	20	12	8	0	43-19	44
Man. City	21	12	5	4	33-16	41
Arsenal	20	12	3	5	42-22	39
Tottenham	20	10	6	4	30-23	36
Chelsea	20	10	5	5	36-18	35
Sunderland	21	7	9	5	24-22	30
Everton	20	4	10	6	21-24	22
Birmingham	20	4	10	6	20-25	22
WBA	21	6	4	11	26-39	22
Aston Villa	20	5	6	9	23-37	21
West Ham	21	4	8	9	22-33	20
Wigan	20	4	8	8	17-32	20
Wolves	20	5	3	12	20-34	18

### IE-deild kvenna:

KR-Hamar	55-57
Stig KR: Margrét Kara Sturludóttir 14, Chazny Paige Morris 13, Signý Hermannsdóttir 8, Hafrún Hálfánardóttir 7, Guðrún Gróa Þorsteinsdóttir 6, Hildur Sigurðardóttir 3 (12 fráköst), Helga Einarsson 2 (10 fráköst), Þorbjörg Friðriksdóttir 2.	
Stig Hamars: Jaleesa Butler 20 (9 fráköst), Slavica Dimovska 14, Kristrún Sigurjónsdóttir 9, Fanney Guðmundsdóttir 7, Guðbjörg Sverrisdóttir 5, Íris Ásgeirsdóttir 2.	

### STAÐAN:

Hamar	12	12	0	956-809	24
Keflavík <td>11</td> <td>10</td> <td>1</td> <td>968-671</td> <td>20</td>	11	10	1	968-671	20
KR <td>12</td> <td>7</td> <td>5</td> <td>832-757</td> <td>14</td>	12	7	5	832-757	14
Haukar <td>11</td> <td>6</td> <td>5</td> <td>709-730</td> <td>12</td>	11	6	5	709-730	12
Njarðvík <td>11</td> <td>4</td> <td>7</td> <td>787-803</td> <td>8</td>	11	4	7	787-803	8
Snæfell <td>11</td> <td>3</td> <td>8</td> <td>693-834</td> <td>6</td>	11	3	8	693-834	6
Fjölnir <td>11</td> <td>2</td> <td>9</td> <td>671-892</td> <td>4</td>	11	2	9	671-892	4
Grindavík <td>11</td> <td>1</td> <td>10</td> <td>618-738</td> <td>2</td>	11	1	10	618-738	2

### Sænski körfuboltinn:

Sundsvall-Örebro	96-82
Hlynur Bæringsson skoraði 9 stig og tók 10 fráköst fyrir Sundsvall. Jakob Örn Sigurðarson bætti 5 stigum við og gaf 7 stoðsendingar. Sundsvall hefur unnið tju leiki í röð og er í öðru sæti deildarinnar.	

### Enska C-deildin:

Bristol Rovers-Plymouth	2-3
Kári Árnason var í byrjunarliði Plymouth og var tekinn af velli undir lokin. Plymouth er í 19. sæti deildarinnar.	

**Vodafone Cup**  
Síðustu forvöð að skrá sig!

Fótboltamót áhugamanna, Vodafone Cup, verður haldið 7.-8. jan. í Fífunni. Sigurliðið vinnur ferð til Abu Dhabi og VIP miða á verðlaunahátíð Laureus samtakanna.

Skráningu á [vodafone.is](http://vodafone.is) lýkur fimmtudaginn 6. jan og þar finnur þú allar nánari upplýsingar um mótið.

power to you



**ÚRVALSLIÐIÐ** Bestu leikmenn og besti þjálfari Iceland Express deildar karla, fyrstu ellefu umferðirnar. FRÉTTABLAÐIÐ/STEFÁN

Úrvalslið Iceland Express-deildanna í körfubolta:

# Pavel og Butler best

**KÖRFUBOLTI** KR-ingurinn Pavel Ermolinskij og Jaleesa Butler, leikmaður Hamars, voru í gær valin bestu leikmenn Iceland Express deilda karla og kvenna. Tímabilið er nú hálfnað en keppni í kvennaboltanum hófst aftur í gær. Heil umferð fer fram í karladeildinni annað kvöld.

„Ég hlakka til átakanna sem eru fram undan. Ég á ekki von á því að ég skori eitthvað meira út af þessum verðlaunum en það er alltaf gaman að fá viðurkenningu,“ sagði Pavel í gær.

Butler hefur átt frábært tímabil með Hamri en liðið er enn með fullt hús stiga á toppi kvennadeildarinnar. „Það tók mig ekki langan tíma að aðlagast körfuboltanum á Íslandi enda er íþróttin eins sama hvar hún er spiluð,“ sagði hún. „Ég er ánægð í Hveragerði og líst vel á framhaldið. Þó svo að við séum

enn ósigruð eru mörg lið í deildinni að styrkja sig núna og við tökum því alla leiki alvarlega. Við viljum bara halda áfram að vinna leiki.“

Þjálfarar toppliða deildarinnar voru valdir þeir bestu – Ingi Þór Steinþórsson hjá karlalíði Snæfells og Ágúst Björgvinsson hjá Hamri. Sigmundur Már Herbertsson var kjörinn besti dómariinn. - esá

### Úrvalsliðin í 1.-11. umferð

<b>Iceland Express-deild karla:</b>
Pavel Ermolinskij (KR), Ægir Þór Steinarsón (Fjölnir), Hörður Axel Vilhjálmsson (Keflavík), Jón Ólafur Jónsson (Snæfell), Lazar Trifunovic (Keflavík).
<b>Iceland Express-deild kvenna:</b>
Pállína Gunnlaugsdóttir (Keflavík), Guðrún Gróa Þorsteinsdóttir (KR), Margrét Kara Sturludóttir (KR), Bryndís Guðmundsdóttir (Keflavík), Jaleesa Butler (Hamar).